



E popular cantante femenino Inky Richardson cu tabata vocalista pa "Musical Time" a dicidi di bay purba su suerte como solista. Den un entrevista exclusivo cu DEN AMBIENTE tabata tin cu e popular cantante aki, e la duna di conoce cu su salida for di "Musical Time" no tabata pa ningun sorto di problema. Semper e tabata tin e deseo pa un dia e mes por produci su mes un producto. Pa bo ta un solista y produci bo mes un producto, bo mester tin hopi experiencia den farandula. Inky ya tin ocho aña caba di experien-

cia formando party di "Musical Time" y kier logra mas den farandula, pero como solista. Un di su prome pasonan lo ta pa e siman aki mes e lo ta den "Watapana Recording Studio", pa graba un "Caddance" cual lo mester bay ta su hit promocional.

Pa temporada di Pasco e lo graba un cantica di Pasco. Pa temporada di carnaval su "Tumba" ta cla caba, mientras su "calypso" y "roadmarch" ta den proceso. Como solista Inky lo bay duna Show nan den Hotel-nan y tambe como gueststar den diferente actividadnan local. Por bay spera hopi di Inky den futuro.

CLAUDIUS PHILLIPS A DESCUBRI INKY.

Riba pregunta di DEN AMBIENTE con su carera artistico a cuminsa, Inky a conta con e la wordo descubri pa Claudius y su experencianan. Tabata den temporada di "carnaval" ocho aña pasa cu e la sera conoci cu Claudius door di un amiga. Durante un combersacion Claudius a puntre si e sa canta? E la contesta cu ta den banjo so e ta canta. Claudius a bise cu bo sa cu bo por canta bon, na bo manera di

papia so mi sa cu bo por canta bon.

Inky no a worry y a tuma e cos na "joke".

Riba un dia telefoon ta ring, y pa sorpresa Claudius ta bise cu e cantica ta cla. Inky a wordo invita pa cuminsa train. Nunca e la canta y a cuminsa train hunto cu Claudius riba piano, e cancion "I'M Still in Love White You".

Despues di a haci varios ensajonan, e mester a bay graba e cancion aki den un duo cu Claudius riba e L.P., Contempo Drama den Aruba Recording Studio, caminda e la cuminsa hanja su prome exsperencia. E L.P. aki a resulta un exito, y Inky a hanja un oferta pa forma party di Musical Time. Pero debi cu e tabata stewardess pa A.L.M. es tempo ey, tabata dificil pa e por a acepta e oferta aki.

INKY COMO SOLISTA



Despues cu Inky a stop di traha como stewardess, e la bay canta pa "Melomenia". Tabata den un fiesta na "Marinierskazerne" cu nan mester a toca hunto cu "Musical Time". Tabata durante e fiesta aki cu nan a tende su voz atrobe, y mesora e la wordo acerca pa e director di "Time" Elgin Juddan y Claudius Phillips. Despues di e fiesta aki Inky a bay forma parti di "Musical Time".

Hunto cu "Musical Time" Inky a graba seis L.P. cual e hit mas grandi di dje tabata "Saku Bashi". Actualmente su cancion "Bushale" caminda e cu Tattoo ta formando un dou ta masha gusta na "Corsow". Inky a ser invita caba pa viaha hunto cu "Musical Time" pa algun presentacion na Corsow, cual lo bay ta muy pronto. DEN AMBIENTE ta desea Inky tur clase di exito como solista.